

皇清文穎續編

皇清文穎續編卷六十三

詩

五言古詩

西漢循吏四首

定安親王永璜

龔遂

風俗尚淳厚禾莠不並生  
渤海得龔遂閭里安且寧  
乘傳至郊關單車罷兵迎  
所務在撫慰不使黔黎驚  
佩犢何爲者趣令事農耕

尹翁歸

翁歸治扶風執法甚稱職有急則少緩小解輒披籍  
其在公卿間勤能不素食吏民有好邪一一知曲直  
一麾守東海氣懾于定國定國託邑子欲語還自抑  
其有所選取以一可諷百行能不驕人聲譽故尤得

黃霸

黃霸守潁川條教初若煩使民務耕織樹桑畜雞豚  
治道去泰甚戶口日以繁其言易長吏新吏未必賢

公私耗費多一皆出於民治行終長者宜沐榮絲綸

朱邑

仲卿舒嗇夫其人廉且平未嘗事苛求佐治駿有聲  
治行最卓卓儉樸至列卿及卒無餘財天子下詔稱  
至今桐鄉人歲時奉嘗烝

種松篇

定安親王永璜

院靜無塵氛新松移隙地未得烟雲護安有蔦蘿施  
鬱鬱石林邊厥根依水次難勝老鶴棲也添明月思

蓋影遮北窗濤聲醒午睡清風動階除凡植增暢遂  
況此數尺陰已具凌雲勢春來吐新姿映日頗明媚  
雨露荷天培條枝騰地氣當夏逼炎蒸清芬自有致  
秋涼葉不凋晨湛珠如綴便待飄風發文理益堅緻  
相伴梅竹間清望得次第自茲無翦伐會見參天翠

權場玉帶歌

履端親王永璚

專閫任封疆取義不取利形勢繫安危何堪中食餌  
宋弱元正強臨江時睥睨襄樊上流重尺寸凜分界

逆豎逞陰謀先求權場置欲取姑與之卑詞還厚幣  
文德一武夫有勇了無智玉帶喜橫腰金城甘棄地  
自從互市成始快屯兵易先侵饋饟道旋破輔車勢  
軍資兼貨寶萬倍取如寄順流呼長風繫組隕神器  
玩好耳目前璧馬有成例庸臣何足責太息廟堂計  
却思開國初見解與此異卧榻總教寬寧許他人睡  
設險列邊防更有三條帶

盤山詩二首

履端親王永城

策馬漁陽北乃至田盤山分來太行脈氣象驕塵寰  
此中何所有七十二禪關自古迭興廢正如雲往還  
春風吹鬢絲暖翠生烟鬟行行足悅目未用窮躋攀  
上盤松最勝中盤石特竒下盤愈娟秀清泉照須眉  
舊蹟有三絕隨處點綴宜忽聞寺鐘鳴乃借天風吹  
鏗然四山應不覺雙耳隨頓生清淨心暗與塵累辭  
舉此問猿鶴雲外知未知

擬陳思王贈友

履端親王永璠

曰余秉道素雅與時彥親疑義互疏漁期扶大雅輪  
靈蛇珠有耀荆山玉足珍之子富金腹衫翰揚高旻  
眷言逸景流無由駐良辰斷金誓終始玉觴奉嘉賓  
擬謝僕射遊覽

履端親王永城

出門散塵襟郊衢愜溥覽秋氣已可悲暮景况多感  
駕言值良辰光陰逝波冉叢蘆隱沙渚疏林露山戶  
亭皋草蟲語關河零露泣節序淒以清區中葆恬曠

擬謝臨川遊山

履端親王永城



賞心向靈境結髮耽雲烟性與嶢嶸期淹留卜何年  
丹砂出石穴鍾乳流經泉霞標城堞起雲錦沙際鮮  
始晴氣候至景物羅暄妍池塘茁新蕓懷人思邈然  
遵渚理迴櫂共結邱壑緣攝生有素志處順斯真詮

擬顏特進侍宴

履端親王永城

乾坤久清泰帝宇輝瑤光仙宮華組集寶殿雕筵張  
和風拂桂棟卿霽生杏梁宴樂睿情留一德欣同堂  
清歌間妙舞用佐千秋觴凝睇向天闕佳氣浮昌昌

青林蔚翠巘美景熙春陽  
惟懷綠水慚還賡白雪章  
和海住先生登薊州獨樂寺觀音閣韻

履端親王永城

我昔經漁陽振衣上傑閣  
回首春風顛幾度吹花萼  
蹲龍去天咫怖鴿見人愕  
四禪雲與齊三乘塵莫著  
人海浩腳下踏踏輪蹄錯  
翹首瞰烏蟾光明金鏡灼  
平地湧珍樓有目俱仰矚  
緬憶布金日良工巧營度  
四圍山青青千里烟漠漠  
直擬妙高臺時沾香雨落

誰歟運帚書墨痕濕猶昨君居慚愧林性與俗緣薄  
登臨得佳趣客況靜於鶴憑高賦大篇壓倒青蓮作  
正似遇崔顥口噤手難拓詰弟妙詞翰苦思敢約畧  
彷彿關詩械偏師互跳脫押韻比說偈茲遊樂莫樂  
縱教未同往補和心亦足丈六接尺五梵論信昭廓  
彼岸望非遙慈航欣可託水觀倘容登庶愜雪山諾

小園對雪

履端親王永城

半夜覺寒重晨起同雲鋪我知天欲雪退食辭直廬

滕六頗解事作態來隨車到家呼奚童塵榻急掃除  
羊羔非所羨清況尋竹鑪冷眼對林麓也復成畫圖  
是時閨小春舞絮因風舒多情著老樹作陣迷叢蘆  
卽景詩思饒誰借禿尾驢相看但堅坐閉門復何須  
高下積皚皚流影射窗疏因之憶前番彈指經旬餘  
應候屢含潤大有行看書

環溪別墅觀荷

質莊親王永瑤

夏伏苦溽蒸餘威火雲煽佳約聯纓簪幽賞涉郊

重訪清勝園密邇招提院晨曦隱蒼涼宿露潤薔薇  
門開入林坳徑折溯波淀輕撓劃淺流迴岸俯修堰  
揖階叢筠森蔭檻樛木冒紛攜舊雨繁如遇好風便  
茲溪若玦環厥土實沃衍平波互滌洞淨植穿組練  
居惟誅茆宜雅稱栽玉遍田田葉橫敷瑟瑟蕊爭炫  
白羽搖纖纓紅衣颯芳絢周遭胸羅星倏閃目生電  
芙蓉匝鏡奩翡翠拭花鈿列同羅幔張燦若繡袍袪  
斜牽夾蒼帶低拂亞桃扇麗日透千層明霞散一片

直視景不移迴矚態屢變蠅祛乍瓜削蟹沸俄茗戰  
軒墀竹肉陳俎几珍羞薦沾唇傾碧筒摩頂脫瓊弁  
結社有禪僧依幕總詩彥錦裁鳳尾箋沫洒龍涎硯  
點筆文通毫織詞德祖絹褰裳緝楚騷貼地步齊燧  
綺語趣亦佳沈吟久忘倦轉徙隨攀躋登頓恣眺眇  
亭隅傳崇基樹外引迴漩前曳華旌移後擁寶蓋殿  
太乙凌空浮如來隔坐現恍疑兕鉢滋掃盡吹浪濺  
徘徊水洲鄉俯仰邱壑戀別墅懷謝公甥才姬景倩

板輿奉春暉白華潔常膳想當博慈和長此動葺繕  
雅尚洵逸羣嘉魚足增羨印證不染心披豁本來面  
君賦續閒居客詠極歡譙歸攜自在香描寫圖畫展  
恭和

御製軍郵元韻

儀親王永璇

廟謨促樓蘭軍聲響贊普列陣定烏魚疾發如風雨  
克伐計三年蕩平藉一舉堂堂整六軍多多類善賈  
已同困獸窮猶恃負隅固一朝摘角勢頓令失車輔

始焉螳拒轍俄爾魚游釜制勝得千城設伏隱盾鹵  
摧陷無堅礪追逐有曠弩驍騰氣倍雄義憤目盡勞  
奇正合師律止齊中武舞乘間我方登用術彼已墮  
折首復執馘曾不朝食許詰朝復克之俘獲難悉繼  
以此拉枯朽彈丸何爲者叶爰敘戰功優用  
頒軍賞巨桓桓益踴躍赫赫傳聽覩會見焚其巢絡  
驛聞吉語象譯考蓬婆萬載仰

聖武



春社

儀親王永璇

三月春雨霽古社熹晨光招邀徧四鄰里老方奔忙  
詰曉一以集鼓笛喧成行雞豚供肥鮮椒桂流芬芳  
炷香各在手百戲齊入場巫覡迭歌舞杯玦報豐穰  
燕泥拂藁席柳絮粘人裳侵尋風颺然彷彿靈旗颺  
旣醉神欲歸徹俎忻分嘗翁媪敘情話孩幼紛相羊  
遺腥蟻戰砌銜肉烏蹲梁歸路盡酡顏到處歡聲長  
佇看萬寶成百穀盈倉箱

奉

勅恭賦白雉

成親王永理

白山直璣耀白雉來

皇都浴質闔門潭彰祥感精符實唯

東巡瑞何稱南越圖天葩虹皓羽皇筠琢素願月魄  
流舞影春翬團寒酥含晴珠在永塔尾霜交蘆錦斑  
堪罷賦蘭綵迺分趨娛茲潔朗性異彼驚狷模食飲  
甚馴暇態色安華腴旣藉眄

寵寧憶山澤  
臞良工擅貌肖  
詞臣第揚掄

聖固瑞不侈

德乃徵無誣

恭和

御製廣寧道中元韻

成親王永璫

乘障鮮宿飽  
防秋疲踐更  
尺尋國日蹙  
六萬師非貞  
朝廷日所訑  
練餉與練兵  
九邊日所匿  
棄地與棄城  
那聞投袂起  
但見援桴驚  
上計惟在走  
不鳴如待烹

含羞巾幗餽搆怒元黃爭

王者本無敵况彼亂浮生

後聖綜興替

景運持滿盈太平在

知難緝熙頌

維清

雨晴用唐張文獻公詩餘滋含宿霽衆妍在朝

嗽爲韻

成親王永瑄

昨日驟雨來振風薄交疏繁聲落山木清氣滿琴書  
風雨一如此澄觀復須臾明明嵐霞散藹藹夕陽餘  
白雲出邱陵萬物得其滋離離園中花裊裊辭故枝  
日夜安所萌自春徂夏時幽悵不可釋風雅以爲期  
晨羞可採擷青青滿筠籃雖云土物微中有雨露含  
蒸豚亦何好肥匏亦何慚顧此嘽嘽者七箸鳴春蠶  
池中金鯽魚頰鱗三十六攸攸且自戲策策動相逐  
蘋蘩與之忘江海不可斛拊檻獨沈吟不覺虞泉宿

洩雲翩其歸高岑廓無翳臨流旣淒清望博何朗麗  
日氣涵網緼天光析纖細雖慚三絕才且歡無隱憂  
庭中有高梧澣濯得曉甕聊張七絃琴成聲不成弄  
晉野遇所希延露和彌衆輕行與浮彈恍惚見鸞鳳  
碧樹當遙峯新花媚平泉猶之撫掌樂愛此近自然  
鳴琴音載好傾耳景乍延但言得幽意不知世所妍  
藉蘭鬱修襟抗館豁遠對勝引霄宇間真覽虛室內  
側聞古至人乘流立不貸暖清迭推遷會心適然在

悟物託道心豈必空山遙撫茲草木樂造物何條條  
坦坦坐白石默默驗崇朝愧彼忘言侶衷曲結清詞  
百昌何精英軒檻出東瞰光彩不可極趣賞乃具繁  
中田汎膏澤飛電無餘痕卽事遺常象理迹遊同原

韓太傅祠

成親王永理

弱齡誦古策意本嗜韓詩外傳數萬言逸事眩信疑  
昔者仲尼徒一本迺百支祖龍場爲烟遺老伏餘黎  
漢興稍收拾厥初人異師師異雖紛紜淵源各能持

太傅尤卓然方當文景時黃老芥青紫抱經如不知  
下馬肅修容再拜三閭祠陟彼授經臺低徊步難移  
小宛之四章慨彼日月斯太傅闡其旨切切作箴規  
苟能日益慎完如金城基六語與而簡夙昔服膺之  
修能迄無謂出門顏忸怩

過峒嵒章山渡駱馬湖是日宿宿遷之順河集

成親王永璫

驅馬峒嵒山道彼江介路伸春天氣寒適與閏月連



乘陵旦暮風鬱結華葉樹遙遙出蒼黛稍稍破陰沍  
遇新賞倍延懷古望遙寓項羽亦重瞳興廢不同趣  
下相今何有荒哉灌莽聚振策仍上躋揮袂罷却顧  
西瞻駘馬湖前臨永濟渡湯湯河水決汨滴恣所赴  
惆悵何

堯心約畧邁禹步並湖無驚奔歸塘有安注暮日宿  
遷城援筆申此賦

宿齊河縣

成親王永璫

青道方順軌蒼靈戒奉塗零雨汜四澤清風協新會  
發陳潛穎達曜新初莖舒碧草徧垣墅綠波生玉符  
顧瞻濟師津栖遲卜鄰閭里室昔如舊寒泉今則無  
班馬軼埃壒明發方山區

雜詩

成親王永璫

我有一古鏡其上雙盤蚪蒲桃似松柏上枝鬱相繆  
仙人饑食棗玉泉潤咽喉神靈辟不若鼓盪翕江流  
發英孕百寶散明矚昧幽天地以爲爐日月懸清秋

含章鑒至德寶之萬琳璆

上古民野處後聖易宮室淒淒倭風起渺渺霰雪密  
婦子聚而寧藏蓋禦冬日不有棟宇與中澤歲何卒  
美哉大庇民萬世永貞吉

幽蘭麗崇阿光輝炯朝陽白露下衆草長坂淒以霜  
海寒多天風鷓鴣日西翔三朝忽復去鐘鼓何煌煌  
芳馨冠華樹願登君子堂養之遂其性榮名以爲常  
伶倫吹嶰竹后夔擊鳴球鳳凰翩來儀百揆莫不修

大樂非末節同和領明幽商齊各有宜詩歌載軒輶  
哀哇競繁會教衰失溫柔露才突相高記醜衷不由  
此言太華峯彼謂潯陽流感物而形聲三百義可求  
鳴禽集珍木滿聽彌好音春風不自知生意徧物深  
飴絲有機事翽然辭茂林桑土可俯窺但當無其心  
所以海上鷗重來去相尋

煌煌齊房芝九九新甫柏肅肅饗三神隆隆構上宅  
豈不抗瓊材審曲在匠石豈不況嘉瑞所貴在賢德

菊英夕可餐  
薜華朝可披  
岱峽挺貞幹  
疾風裂崔嵬  
青蒼始欲凋  
萬木亦已萎  
猗猗我蘭芳  
不采將過時  
過時亦可采  
惜此春光輝

石洞

成親王永璫

石洞闕幽阻  
田父有深知  
歆音興遂發  
適野行無期  
屈曲人失捷  
僻陋馬得遲  
雲封撥細碎  
草合投參差  
旋登乍攬迴  
復降稍就夷  
轉憐溪礙步  
側受風吹衣  
烟景出荒率  
鳴禽擅孤竒  
寒稜俄撲面  
洞口儼在斯

天光晝黝景地肺夜積滋苔陰範錢厚雪古折筓危  
微明湛海眼幽響鏘春澌怛若伏精魅隱欲疑娥蕊  
槎枒挾物態渾悶忘世熾棲真偶此遇寄獨成自嗤  
餘霞眷客賞皓月隨人歸

夜雨

成親王永璫

清聽回短眠涼心警幽悄側耳然疑生鳴空密疎杳  
得非飄蕭風入彼娟靜篠因樹迴得繁經荷遂成老  
不如起徘徊奈此夜綿藐將燈映回廊飄灑看更好

眼花欲兩炬鬢變衰百草皇天生物心晚澤慰將稿  
憶昨炎熱劇露卧怯纖縞石燕一再翻朱明不留掃  
步苔惜穠纖嗅菊擁欹倒物芳情所同時過覺常早  
遠陰拆歸雲曙色接啼鳥廓獨秋士懷梳頭望清曉

恭和

御製南江總督大學士高晉總河李宏等奏報黃河  
水勢漸消各工平穩詩以誌事元韻

定親王綿恩

河工亘古今經營先直省歲有不貲費責成重首領  
皇情軫民艱方岳謹循省修防徒紛然

宸斷策乃定叶至險不見險無佚力之猛濁浪靜排

空平波失溟滓臣工足推心編戶無減頂只應任襟

帶何事勤補綬叶吉音遞驛郵

帝心益以靜餘潦間成災勢分不相併潦退民安居

一區寧受眚萬姓荷

天庥耕鑿無憂窘叶鎮奠利何窮遐邇常歡幸



太液池秋曉

禮恭親王永恩

紫禁粲朝霞  
蓬萊隱碧樹  
烟柳散宮鴉  
晴沙起宿鷺  
瓊島澹清暉  
虹梁濕秋露  
遙巒一凝眺  
金風吹廣路

古中盤

禮親王昭璉

振衣陟崇岡  
蒼苔經紆折  
飛梁跨碧澗  
石壁勢峭絕  
層崖歆古松  
陰壑積殘雪  
虛亭架翠微  
少憩歇疲茶  
林端生夕霏  
疊嶂如屏列  
茲地信幽曠  
靈境屬天設  
平生塵俗襟  
到此忽超軼  
三復盤谷吟  
清景足怡悅

潭柘寺祖塔院

睿恭親王淳穎

巖厓積春陰柏蔭森晝景洞壑相谿舂沙石間頑礪  
山窗風日澹坐久衣裳冷老僧不解禪俗諦亦清警  
因之坐盤桓消此春曦永夕陽墮虛檐暮霞沉半嶺  
前遊曾幾時往事駒隙騁擾擾十二年世緣皆幻影  
逝者果如斯萬古一俄頃塔鈴語晚風誰作晨鐘省

遊碧雲寺

慎靖郡王允禧

清暉蕩諸峯行行入空翠雲來路忽迷盤折轉幽邃

萬木翳前谿疏鐘出鄰寺古殿僧未歸荒廚一犬吠

過蘭谷山莊

慎靖郡王允禧

柴門枕清谿靜者得卜築雞鳴後峰午廚煙散晴竹  
把臂匪城市况復快遊目叢樾暗幽窗遠翠望不足  
孤邨鳥外閒細徑入山腹盡日鮮車轍有時來飲犢  
至道在葵藿佳言及童僕恍若泛虛舟於焉見衷曲

早發西峪寺

果恭郡王弘瞻

曉起山氣涼宿霧昏未醒巖谷發虛籟林壑翳朝景

振策厯千盤初日始高嶺方知今夕眠身在雲峯頂

恭和

御製安徽巡撫書麟奏呈鄉民挖蕨得米詩以誌事

元韻

榮郡王綿億

皇衷軫災黎賑粟億萬計

溫綸飭大吏奉行皆實事

天心助周恤困積荷特賜山陬人跡罕蘊蓄有深意  
得之采蕨餘人力豈能致誠通刀出泉盛比錢湧地

飛章米樣呈

睿慮慙施濟

命充玉膳嘗不厭粗糲試遙知彼都民益墜感

恩淚細旃蒙

教養坐飽久滋愧

分頒示民艱

聖世不言瑞質非太倉腐甗嚼留至味禹思由已飢  
願共凜斯志

恭和

御製漁菴元韻

貝勒永璫

架木爲小菴插籬倚平陸歸來敲銅斗息偃忘拘束  
檐頭自挂壺門外或生竹雖言拍浪兒也復踏土宿  
恭和

御製漁磯元韻

貝勒永璫

把釣著苔磯科頭致佳絕炎夏坐疎風寒冬掃薄雪  
無魚亦且漁得魚真可悅空濶世間情不假蒙莊說

恭和

御製樵叟元韻

貝勒永基

灌莽蔽危谿樵者曲折進度木任所取山靈何所吝  
陰雪不易消古蘚猶能潤足底雲霧低始識登千仞

恭和

御製樵叟元韻

貝勒永基

山因衆木美美盡山亦老老樵旦旦伐那識青山好  
歲月忽飛騰妻兒覺繚繞他時王質還驚我鬢眉皓

恭和

御製雨元韻

貝勒綿懃

油雲淦淦生長風颯颯來卓午炎光聚清冰良可懷  
微涼忽然至山南殷其雷豐隆爲之繼屏翳爲之催  
須臾堦砌間穀紋動津涯煥零倏已解瀑勢乘空排  
入夜已過半原隰滂沱皆旭霽延朝光鳴鳥聲調諧  
天心副

宸意渥澤誠時哉樓名溯肇錫預兆風雲佳



恭和

御製九松山元韻

貝子綿懿

峇峇九松山其來亦已久於今千萬株不復辨新舊  
何止十八公爲數纔倍九常承日月照每共雲霞友  
枝撐出巒壑葱鬱蔭澤藪樹則滋後繁名必循初受  
因之釋微義共仰

調御手

登醫巫閭山觀音閣

鎮國懿厚公高塞

平生愛邱壑，歷勝恣登眺。醫閭夙所期，茲焉恆懷抱。  
鳥道薄層雲，盤紆陵樹杪。繫馬憩中林，拂石坐荒草。  
野衲候柴荆，朱顏髮皎皎。問渠來何時，云在此山老。  
修嶺逸驚麕，斜陽急歸鳥。古洞駕長虹，細泉屢迴繞。  
亭亭階下松，百尺參青昊。託根護斯地，子落無人掃。  
逶迤度幾峯，下瞰羣山小。曠然豁心目，頓覺離紛擾。  
再上白雲關，萬象咸可了。石門破蒼靄，返景墮空杳。  
烟霞情所鍾，登陟險亦好。大海面巖岫，波光動林表。

自古遞相傳其中有蓬島安期與羨門往事終綿邈  
滉瀟失端倪氣色變昏曉豈識天地心物理費探討  
泠然此游豫何用心悄悄

皇清文頴續編卷六十四

詩

五言古詩

平定金川詩

夢麟

於清世厥聖今

皇帝舜禹維泰元媼神擴覆幬昇子亘扶桑崦崦胥  
我庭我戶蠻夷國千八或梯梯觴觴端蠕迄鄩善厥  
種不可數以時至稽首其孰不予拒歲疆圉單闕盜

起於蜀土厥地曰金川實谿峒之虜狐狸騷其羣狡  
兔竄榛莽纏頭裹紅帕負嵎擊銅鼓昏中嘯於梁諠  
諠而嘖嘖薄擾茲疆土薄驚此士女蜣蜋怒奮臂狂  
兇突奔沮豈無貔貅衆壹發殪其五維

皇帝曰嘻彼譬彼穴鼠消蹤匿陽晝乘夜盜倉庾苟  
莫或猖獗其亦足以拊聿命女廣泗移節泣厥宇鞭  
箠暨撻伐惟爾置爾處廣泗夙經歷滇黔莫敢拒謂  
曰茲么虜旦夕唾手取頓首拜

新命踰月抵其部茲土闢蠶叢亂山作區藪石棧紛  
鈎稜攢槩互纏紐笈箒晝曠黑鳥道錯指拇前趾壓  
後頂十步蹶其九出沒雜狻猊千百跳羣醜堅碣矗  
千尺飛鏃不及首彼弗敢蹂躪我實憊趨走蒼黃歷  
歲月迺致事不舉

帝命故相親女往視師旅將帥嫉鍾鄧指麾困齟齬  
債事養寇賊厥罪不可怙連繩就刑戮脰頸挫刀斧  
執徐月在陽

皇帝赫斯怒曰

天地

祖宗余一人是祐維羗氏蠻夷余一人是主彼小醜  
弗讐余胡創厥巨顧恒曰女來惟女克余輔假女節  
其往旄鉞賜左右惟刑賞黜陟俾而勲而咎庸對揚  
余休勒女績鐘卣撰辰命太史月吉日惟午

圜丘告

天帝于郊用元牡警蹕潔盥祓飛文燭鹵簿扶桑耀

珠輪蚩尤擁奔扈微道紛星羅揚燎燐簋簠百樂轟  
周壇鏗磬筦祝敢燔柴肅登告薦元纁璣組

皇帝衮冕立拜跪罄仰俯研精合幽漠元靈鑒稷黍  
高烟嘘呵升靈旂詆蕩下霄光澹瑩澈萬景森帖妥  
渺

帝衷是格羗我祐我嘏聿朝獻於

廟以告我

皇祖讀祝勅奉



帝曰孝孫臣某維

列聖是何以有此九有肩承受圖籙兢業一寒暑彼  
有苗弗格敢昭告用討疑忱奏震肅蕃釐蒸戶隔祭  
畢

帝遣送展斧立當宁臣恒頓首謝捧矢出馭娑卿尹  
百執事

帝命餞之墅聯翩獻尊罍周迴列鼎俎進止鳴銜牙  
矩步叶魚雅是日大雪霽嚴飈淨千畝驍騎數十萬

騰裝侯已久按屯周八區列校相結糾龍盾間虎韞  
殷鮮簇繡黼酸風吹大旗爛爛揚烈火旄幟翻青紅  
琴麗動樓櫓欖槍遮重闔天弧挂朝旰虹蜺屬高纓  
陽輪爲之佇朱甲烜流電晴郊惑瞻睹士厲怒不渫  
馬踏裂平野鮮扁隘宇宙山谷互吞吐維時虜乘墉  
得計恃鬼蜮蠻江名赤底長橋懸鐵鎖一人扼其要  
萬夫困柯閭松林蠹巨棧壘石斷厥左飛鳥不得度  
白固亦足頗飲酒吹笙竽休息嬉伴夥

天兵破空下勢若山壓卵黑夜摧崑崙賊險不遑守  
抽刀斷柞械捷足躡岡阜雲梯奏奇績攀登奮擊掙  
巨礮掀層穹斷石積杵臼山巖震崩豁兵氣厲振擻  
礮卡倏碎裂顛墜接肩肘血肉雜菅蒯肢體資踐蹂  
完骨裹層崖殘骸懸枯樹騰焰烈巢穴焦爛到雞狗  
皇威振蠻徼茲戰實云首策勲集武帳獲厥婦曰扣  
扣罪維渠魁陰謀鈎黨羽部落揚羶腥漢姦隨指嚙  
曰此不可生斬之懾其侶斷首懸期門虜見盡惶盡

或喙息于竇或潛喘于岫昏叢入荆棘夜伏驚飛磬  
移師括谿洞采入薄其阻搜剔極幽隘捕捉罄童乳  
逆虜聚族泣啁啾汗如寫倉卒匿弗獲譬之魚在釜  
復如抵觸藩退遂兩無所悲號乞生命匍匐詣軍府  
女厲女弓矢女結女心膂女盜我巖穴女騷我安堵  
不于女是刑而于女是撫虜復懼奔竄淚下不可禦  
旋沒爾家室旋覆爾保聚維

皇帝曰於彼亦足惻楚繫絕界不鄰咸吾胞吾與旣

震驚厥志其曷靳彼許獫狁忌天日殺之亦奚補入  
死出之生女恒歸弼我恒拜手受命嚴曉降幡豎殷  
雷動角吹高原列弓弩旌幢風拂翻鋌戟晝鳴吼飛  
霜靜大漠刀鋒豁撐拄萬帳寂不譁森嚴肅刁斗大  
鼓撾衙門元帥坐當廡諸將裹甲入夾侍嚴比偶羽  
林荷戈立千隊怒虡虎逆虜繫頸至欲進足復跼叩  
頭淚墮地俛首不敢瞞臣恒曰

皇帝於女若高厚維

皇帝盡義義盡以禦侮女我臣我僕迺亢我父母女  
大刑是干孥戮女自取維

皇帝至仁仁至乃活汝旣革汝呼吸旋憫女噢咻弗  
斬女種類迺靖我邊圉豈弗克女誅以釁我鐘虜逆  
虜感垂涕罷泣起蹈舞願世世奴隸奔走罔或後南  
人敢復反于

皇帝是負此時春宇和觀者集童婦謂億載萬年邊  
徼絕氛垢我而食而飲彼或羣或友維

皇帝大聖聿寧我丁口土馬盡騰奮農氓各歡謳是  
日金川平月卯日之丑

皇帝曰歸來女豈噲等伍頒爵首五位錫金章紫綬  
將帥剖符竹盍簪躋華廡酬庸暨偏裨載績樹螭紐  
無疆女維休世伯叔甥舅發粟恤孤寡賜租賑貧窶  
閭澤浹存歿八埏樂洋溥永消彼戈鋌用事我場圃  
繫諸臣之庸迺

皇帝之武

皇帝曰不佞實我

祖我

父維

聖祖如天

皇帝續厥緒孰勿王勿庭曰暘暘雨雨維

世宗大烈

皇帝皇其序援天戈以麾聿難彼海鹵永弗騫弗崩  
屢多忝多稔其敢不我懼以就我規矩戎狄遠如期



于元日拜手祝

皇帝萬年奉

皇太后壽與天地久長樂康遍童耆何數夫淮夷揚  
挖誌韓柳作詩記大事銘勒壽弗朽

平定金川詩

錢琦

聖德符元化萬類甄陶一時維泰運隆瑞協師貞吉  
金川爾小醜胡爲教不率方其跳躍時頗自逞馳突  
神武

帝不矜我衆寔所恤長策運

廟謨千城寄良弼是時霜風寒肌膚增惓慄况聞疆  
外險蜀道難縷述劒閣山嵯峨錦江波蕩潏千盤入  
杳冥九折愈紆鬱寧堪士馬喧或慮巔崖滑上相秉  
忠誠蓄銳獨勇決生逢

堯舜君許身比禹契方奏凌煙勲忍就終朝逸號令  
旣嚴明刁斗亦森密劒戟莽奔衝牙纛互全埽輪輓  
雜薪芻踴躍鼓士卒或爲五營連或爲七校發或盤

雕鶚行或挾雷霆出八千餘里路有若風捲疾將軍  
從天下神速真咄咄先聲實奪人不戰兵已屈嗟哉  
獸之窮依人搖尾乞昔爲桑中鵝今爲網中鵝昔爲  
蛙躍井今爲鼠拱穴約法章倍三來格旬未七

聖人覆載恩詎肯遺小物顧彼螻蟻輩寧足汙我鉞  
詔下許班師滿路和風拂鞭敲垂柳新戈偃草芽茁  
懽聲雜鼓鐃兵氣淨林樾何以築元勲五等崇華秩  
何以換征袍七章披繡紱喜起廣明良光華爛雲日

其餘小大從一一

恩波溢上以慰

慈寧下以安良質小雅賦彤弓

奎文炳石碣和氣洽神人海宇永寧謐

萬歲拜呼嵩五雲春暖闕

微臣

効鼓吹霖雨媿鴻筆

聖駕南巡詩

裘曰修

巡狩有舊典於昔謹誌之曰惟我

聖祖六十年丕基功德邁往牒聲名冠來茲

省方記南幸盛蹟長昭垂歲月一以往父老勞歌思  
我

皇御六宇稽古心追維惟日慎一日兢兢持萬幾光  
紹邛隆治何敢暇逸爲而況奉

聖母孺慕誠依依春朝與秋日溫清不暫違龍樓鳳  
閣前禮備家人儀今者歲辛未恭值

萬壽期敷天稱大慶樂此昇平時昨歲江南人稽首

同致詞望

幸有夙忱庶幾慰羣黎大吏不敢隱上表陳

形墀我

皇啟

聖母誨日命所司天官上辛吉

六御行祁祁

安輿親奉將齊魯路透迤天衢開廣陌日駕延長暉  
帳殿何峩峩縵城何襜襜已過泰岱麓遂臨黃河溜  
虹長牽挽集雲挂檣纜齊河伯久効順晴日風滿纛

淮黃中流合剗若分靈犀清江舊有浦屹立資長隄  
露筋訪古碣漂母傳遺祠平山美風日六一曾留題  
紅橋二十四雁齒排疑疑浮玉已到眼更指焦山陲  
北固據形勝兩山相對奇駕言涉京口平江漾澄漪  
爰酌惠泉水亦欵山僧扉靈岩多佛蹟法螺儼幽棲  
天平插萬笏仰視高厓屨支公說法處拾級雲邊梯  
下瞰太湖水萬頃青玻瓈因過香雪海閨歲花偏遲  
二月春已半爛漫南北枝長洲有茂苑芳草春萋萋

垂虹舊亭子村落鳴黃鸝魚莊暨蠓舍相望如列眉  
前途認構李烟雨方淒迷名樓足千古創始知爲誰  
石門雙石關吳越界在斯錢唐大都會半夜潮喧底  
向曉錦帆開淡宕東風吹西興只隔所斥堠餘空堆  
近指蓬萊驛云是古會稽塗山明德遠廟貌瞻巍巍  
閒尋修禊處蘭亭挹清輝回棹問聖湖湖山發華姿  
六橋光景繁晴好雨亦宜潔淨不可唾輕舸相推移  
中多選佛場魚鳥皆忘機往往傍



御蓋花柳爭芳菲斯民大和會夾道香煙霏上頌

聖母壽仰效無疆辭次頌

天子聖爲

國長祝釐旋鑣遵舊陸千里臨南畿江聲靜瓜步曉  
發露未晞迢迢順河集

警蹕于焉歸行程日有紀光彩騰虹霓懷柔徧河岳  
泐石蟠蛟螭勝處愜

睿賞落紙成千詩山川助筆力

寶墨揮淋漓去時雪初霽飲馬踏流澌來時靈雨足  
布野成畬苗麥秋將登場新苗含葳蕤歡喜迎  
鑾輿冠蓋紛相隨

九關五雲上閭闔開晨曦次第問

安畢

慈寧笑含飴

皇帝敬

起居奉上黃金卮萬國懽心同上以報

鴻慈古云天下養一家視華夷茲行實鉅典滿路春

熙熙

小臣

職珥筆執簡遵前規舉一恐漏萬聊以寸

管窺

行在雖遠道封章日再披煌煌

詔書下馬遞日一馳蠲租併給復汪濊訖海涯錫賚  
動千萬白鏹兼朱提

勅謂羽林軍無擾彼耘耔

勅謂扈從官慎勿通餽遺所在減供頓不累一粟絲

鍾山勝代陵

勅護培豐碑緬惟我

聖祖享謁躬謙撝異數今再見此事古所稀淮南桃  
宿間厥土惟塗泥礎石命敗築要令平如砥洪湖漚  
巨浸五壩重

疇咨駐馬問農夫勞來均瘠肥旣飽爲謀食未寒先  
授衣

天語切敦勉樸儉宜相師勿以羅綺窟而薄綌與絺

勿以珍錯厨而棄糠與粃凡此語諄勤咸宜謹信持  
江邊女如花老人行杖藜亦有丫髻童懷抱相提攜  
丁男暫釋耒鼓腹顏非黧聞言盡額手淪浹銘心脾  
封疆有重寄帳下羅熊羆時清不廢武

龍幟當中遶爲講司馬法黜陟次第施下馬復

校菽篇翰評妍媸窮簷青衫人終歲老唔呶爲之拔  
其尤東馬隨鄒枚搢紳與鬢序

恩逮各有差旣喜章服榮還與登進資被以錦繡段

光華炫陸離豐貂北地產暖老誇韞璆林林九有人  
帝力罔識知

大澤之所及一視原無歧譬如父母心時時視其兒  
置之祗與席飼之粥與糜又如天地仁雨露隨化滋  
百卉盡長養不于一物私耕田鑿井飲相與遨以嬉  
長此戴

堯天進酒公堂躋最哉

聖世民永永保期頤

聖駕東巡祇謁

祖陵恭紀

吳鴻

昊天煥寶命

真人誕自東甄陶會元化豁達開蒼穹

四聖旣洪造

二后尤光崇經綸草昧間氣與雲雷通戎衣一麾指

大業基關中遂開明堂朝往制陋沛豐七傳鞏

皇祚萬紀環

神宮陪京古周原佳哉鬱蔥蔥

德盛大禮明功崇廣樂備河嶽百神趨冠裳萬國萃  
禘嘗準前經上食衷古義於皇我

皇祖大孝永錫類當年

六龍翔

珠邱肅三至典文盛昭報馨香滿天地至今思

聖澤父老餘清淚繩武待

後皇繼志而述事



上清宮志卷之二  
三  
曰惟歲淵獻肅

駕展

神園嗣服肇殷禮永言追舊

恩德施旣旁沛福祉爰駢蕃星紀倏以移

皇情長弗諼豈不憚悠遠我

祖如生存金輿奉

大安玉膳調行軒氣擁風雲騎心馳霜露原大禮舉  
十年庶免疏與煩

習習扇和風悠悠飛翠蓋驅馬萬峯明王者行無外  
西戎進駃騠南羌獻金貝稽首迓

乘輿燦若圖王會繫惟大漠北甌脫古稱最

聖朝無請纓自忘夜郎大

皇仁侔天地豈遺涓與璫受吏等諸藩流沙盡襟帶  
歡呼隨虎旅震耀瞻龍旆

帝曰此

祖功穆然惟保泰

雲羅環七萃日羽耀三驅浩浩原野間獸肥百草枯  
左盼鸞鳥號右眄援神弧野熊當前立一發洞厥軀  
羣蕃咸驚慄

神武絕代無

皇心非畋遊言供乾豆需

長白鬱龍苳英莪赫宏敞霞彩冠

丹邱日華臨寶仗吉蠲舉大糝豐融昭盼饗睟穆

袞旒容鏗銅鐘鼓響

皇情符

列祖精意通俯仰德先黍稷馨氣與蕭薌上

橋山三百里萬靈扈來往風馬下迴翔雲旆紛惝恍

綢繻

聖慕浹煜燐神光朗式瞻

上帝歆遠邁前王享

大典旣重光隆施亦遞舉堂堂三勲臣伯仲見伊呂  
艱難想宏濟洒落契心膂元祀記功宗大享其從與

寒原炳陽曜天漿浥清醕迴望

寶城雲晻靄深幾許

鳴鑣遵廣路整

蹕臨舊鄉父老遮道觀十載殷相望

聖人重至止篤恭念維桑松雲啟

宸居劍佩紛琳瑯

皇慈隆享宴玉饌羅鮮芳拜舞遍九賓戶庭聯八荒

鳳凰銜

詔下大澤河洋洋蔚矣慶雲蒸油然甘露瀼熏絃快  
解阜衢尊酌陶唐大風未足歌橫汾焉可方

昔往駐

宸旃林原藹蔥蒨今來指玉鞭山川猶識面雄關曉  
岌業海色澄如練迤邐厯近郊黃雲被畿甸豆登應  
周雅豫遊同夏諺睠言東都人徘徊起餘戀

重闔開洞達

法駕清纖塵肅穆典禮備雍容愛敬申還歸告

列祖優懷積蕭晨雞鳴朝

壽康端冕臨羣臣皇哉

聖大孝一氣通無垠上垂碧漢光下凝甘醴醇燕胥  
邁豐鎬荒度歌岐幽心以昭事虔治由德教淳梯航  
致重譯震疊昭時巡維

皇念艱難綿之億萬春

聖駕東巡祇謁

祖陵恭紀

鄒一桂

皇清凝顯命

天作開

神京

神京肇丕基王氣奄埏紘出震表東極陽德昭日月  
至人乘龍起草昧施鴻鈞成孚百餘禩景運中天明  
聖君握乾符繩武大顯承修和

純孝治殷禮

明德馨惟十有九載



法駕載東征泰筮諏吉日大安奉

慈寧信宿駐畿甸逶迤指邊庭龍沙揚赤罕絕漠馳  
青驎羶裘西酋長慕德來歸誠葱嶺萬里外自古阻  
風聲占雲思

聖化歛關貢微忱

天子坐行幄勞來同廛氓覆載自廣大無須受降城  
涼風上榆塞秋色明旂旌當陽開王會畧地區藩屏  
造峯巫閭翠曠野吉林平武功念古志農隙遵前型

繫彼虎貔士山河子弟兵旂幟八隊列雲鳥森縱橫  
強弓拓滿月飛騎馳流星太平不用戰坐可消長鯨  
桓桓鈎陳衛肅肅羽林營大綬

詔秋獮金氣符天行左射殲虎視右射殪熊經上流  
鱣鮪集下流魴鯉盈珠軒發瑞彩錯落

王舟呈漆沮與甫草盛事不獨名緬維創垂日威德  
洵恢宏中原空鹿逐東嶠蔚

龍興嵯峨輝發嶺浩蕩葉赫垓

大寶歸

天錫餘氛靖妖槍鍾祥知有自

世德耀

宗祊瞻彼長白山旁魄巍峻嶒三江發璿源絕頂懸  
泉傾北流漚遼水南下窮滄溟燔柴

躬望秩典禮懷柔親吉壤城

啟運

天柱

隆業并上宙超制度萬載安

英靈

闕宮赫對越肅穆

神攸憑鐵甲染蛟血寶劍聞蛇腥玉馬大小白風雨  
時欲鳴粵若

帝八載東狩初展情星紀倏已週霜露愴屢更再巡  
不疏數

孝思彌兢兢山川增蒨鬱松柏餘蔥菁優婉接

笑貌怵惕通幽冥大禮格

列祖大澤溥羣生

鳴鑾來豐沛熙和溢里閭民淳仍古樸俗厚敦僉勤  
垂衣崇政殿

渙汗傳嘉亨茅簷免正供圜土空幽圉扶鳩頌聲作  
荷甲胥歡騰於昔

皇祖代三至肅嘗烝我

皇善繼述

錫類儼思成旋反行慶惠懿美超云亭休和翔玉宇

典冊輝金繩三靈集繁祉

寶祚綿千春

聖駕東巡祇謁

祖陵恭紀

李因培

瞳瞳日所出精曜周八荒生民溯厥初

真人降東方秉德符靈威御天協勾芒挹婁旣肇迹

卜得大橫庚有虔莫我遏遂定幽與營

帝作邦作對實遼之中京礪鍛於焉取居鮮度夕陽  
共球畢麟萃符命歸

元王緬維

列祖聖締造茲資絃鳳翔枌榆社龍飛白水鄉景運  
綿隆基繼序開

今皇廣輪竟地軸神化扶天綱蔥蔥佳氣間根本何  
時忘

鼎湖下鳥弓橋山自截薛王氣萬靈呵珠宮衆星列

松花表襟帶少海儼環玦  
嚴守翠微溫龍蟠碧嶂結  
玉衣奉祠官金雁闕神穴  
坤珍地所貢瑞靄通寥泮  
三陵面神臬遙枕長白雪  
九山隱羅拜五嶽藐邱垤  
昔在

仁皇朝翠旂上蝶嶠前嶽良可遵盛禮寧久缺百祥  
明聖承純孝芳馨徹詎敢憚勞勩先型重圭臬十年  
再往旃輦路香雲熱

廣殿鏗華鐘闔門出翠罕駕言巡上都六乳步何緩



崇高

長樂宮容與

大安輦

聖人自扶將承輻青蒲輟頰霞明大旗清陰不繡徽  
塞北

駐離宮天泉對雷滿炎歆不敢度爽籟迴高館閣門  
喚仗入林麓放朝轉雖同五載巡仍御六官典

祖德賴仔肩神功裕舒卷披圖瞰大荒懷桑情不淺

天旣全所畀聲教胡由限陋哉幕北庭何日襲冠冕  
握衍胸鞬後內訌五單于郅支妄自主恐喝衆骨都  
西竄入康居讐慄到闔蘇敢爲豨與蛇但同鼠穴連  
就中二萬人猿臂挽雕弧不義其所爲慕我文命敷  
橐駝如雲來捆載皆穹廬羈馭等颺風降者紛疾驅  
或秩若谷蠡或親若休屠或各先賢擇或嗣狐鹿姑  
或昆季居次或旄倪妻孥輶輶何所有煥蠶爲糧糗  
迢遞越亭障歸誠同轂難

天子甘泉坐釳砌立鴻臚膜拜萬旃裘屏息不遑舒  
爰

命典屬國供衣冠糗芻泰山弗擇壤河海細流輸

仙仗下池陽霏雲陰雞塞呼韓佩鑾綬當戶列成隊

長安王公至駢路飛芝蓋屬國諸名藩駿奔走咸在

華裯展璫瑜醴酒漉沆瀣兩階英莖奏雜以任禁昧

鏗旬鐘鼓鳴幼眇管絃會六膳備馘羹百戲炫光怪

尋橦矜善緣出山俄從背倏僮樹修旃倒投而跟絳

睥睨不可稱三爵行當退琳瑯錫璋琥綺縠羅雕續  
黃金爲犀毗白玉爲珂佩承筐一何稠部落亦俱建  
咨汝作藩籬處之甌脫內忽驚榮寵極始識乾坤大  
雨露何其多

王者本無外

西顧招月嶠天行就東道迴畧大荒間遶水關前繞  
泰寧懷古鎮合蘭見舊堡二江流沈溶諸衛盡熙皞  
天王羽獵至虎旅策蹇裏觸絲游鵲墮關輻輳免狹

中黃朱鬢來植髮如竿好魑魅旣撞挾拖熊更輕僊  
厥體重千鈞腊脂萬卒飽大閱揚

神威趲趲列雲鳥鉦聲滄海翻鉦影霜林縞用茲聲  
狼狽獻琛苦不早薰粥呼邀累相繼願容保于于再  
歎闕望風學偃草惟

帝一視同思服詠豐鎬

長山何業業古雪迴天風上有千頃潭中有雙飛龍  
餘派作神州顥氣摩圓穹靈奇恍惚間遐矚不可通

牲璧但望秩霽景開崇隆漸近

留都城仰見

永陵松

二陵更盤鬱鴛瓦光熊熊高楸肅

陰殿彩日輝

璇宮玉瓚黃目尊思成肝蠶中後庚憶曩昔倏茲值  
闕逢紹聞素親切陟降方冲融何以錫純嘏合穎嘉  
禾豐何以資蕃禧鵜鰈車書同敦信格豚魚含化及

蛾蟲坤輿永永安萬類陶元功

展禮還東都聽朝居右个峩峩建章宮上有

丹宸座南陽諸貴人待漏曉闕下滅貊高句驪蒲伏  
奉表賀跼稱萬年觴極歡夜始罷大酺三日飲歌風  
羣屬和爰推

錫類恩制詔屢宣播普予口錢復又肆雞竿赦今年  
除田租縣官無稅課

賜爵人一級百僚悉陳謝挾纊六軍歡寂若枕席過

父老競瞻

天迥卒靡遮邏連袂欵成帷紛闐闐闐左所希一少  
留被我蒸黎化

聖顏爲之開蹇輟

金根駕顧茲耆舊人念結開基佐報享苟不專何以  
立頑懦宗藩同廟食觀者歎明作回看芒碭雲秋草  
石磨臥

顥穹遲沆碣淑景回



皇州露濯秋原花萼跼紛綢繆山川具雄麗道路坦  
且幽旣愜

皇心眷何當

聖藻留大鈞在

鴻筆萬態齊容收能盡含生情釀作蒸民休還軫過  
榆關海色噓高樓凭闌東向望蒼蒼原野秋畊桑亦  
已勤孝弟行當修俗隣唐魏儉化與鄒魯侔叛造一  
何艱王業等金甌繼承

列祖德永以綏遐陬羌夷盡來賓八方想

旌旂

小臣

在周南未隨豹尾蒐賦遜揚雄作詒曲窮

雕搜庶幾代謠諺敢擬珊瑚鈎

聖駕再巡江浙詩

錢陳羣

明哲戒逸豫時邁盛方行皇王無殊軌載籍炳餘榮  
登咸誕我

后經德秉厥中

叶

究澤必普紀用保乂民萌法

祖在祇遘百度靡不承南邦財賦地國用實所經河

流與原隰屢省觀乃成紀歲在協洽茂典慰輿情化  
本徵孝治愉愉奉

慈寧庶類旣錫祉百神亦延慶叶渙汗書內史歡喜  
孚萬靈

聖舉蹈虞迹永言會繩繩

闢茂序當秋再幸渡遼水爲踐十載期上

陵肅典禮巽命旋復申重光曜南紀時方遠夷歸窮

酋納筐篚繼聞江介間時瘳傷南畝

叶

天子惻然念醫瘠如醫瘠發帑復蠲租楚蜀運儲侍  
其有未達者

恩詔同一視金粟數百萬要令灾黎起甦遲

七萃臨仍命俟

明旨

上蒼鑒

皇仁雨暘各以時

叶

大有陳司農康哉樂豐美

感極衆志結歲稔民氣和

安輿侍

聖母流覽所曾過無疆微民悅夾路歡且歌

帝曰子觀風噢咻及癢痾民患有未去吏績有或差

周巡爾所守目擊乃定議叶矧茲淮海境昏墊頻衝

波排淪苟未豫厥患其如何水維叶蒼檢神機契義

圖叶所司秉

指授爲利亦孔多進告兩河伯循軌安厥家俾予億

萬姓各各荷庥嘉

先事飭所司供億去繁縟要於淡泊遭省茲真風俗  
湖山有本性

仁知默相屬勝迹證前題

天聲一爲續養志娛

慈顏延禧臻諸福舉賢而遴才憲老恤孤獨起滯蠲  
瑕疵肆肯許湔濯秩祀發幽潛忠孝厲威勗岳牧竊  
屏藩求章凜祇肅觀武課韜鈴騰歡振山谷物候呈  
昭蘇花柳何馥郁昇平日月長

宸遊賞清淑

清淑自相遞眷茲景物新

皇仁同夢發到地皆陽春普物必因物橐籥周洪鈞  
明庶洞觀火理蹟如擘紛每當眺聽餘益勵

宵旰勤旣綜八埭務仍擴萬里塵體信符大順油油  
山出雲令聞日顯懿滲漉何氤氲履盛益乾惕封巒

陋云云載筆

臣

舊職摭德芟卮言里閭採謠諺質樸

慚無文懷曝獻

蒼輅丕哉紀

皇巡

平定回部詩

劉星煒

皇帝御天下光宅纘

謨烈二十有四年八荒告寧謐  
額西準噶爾自昔

疆偃

國初顧實汗慕我

德來卽我



世祖冊之賜印與朝謁俾統西部人服屬此藩列厥  
後噶爾丹陸梁逞狡猾數來喀爾喀首鼠善盜竊  
聖祖躬鞠師朔漠事三伐老羝觸藩死縛其子如奎  
既策妄策凌狂跳擾哈密

世宗爰命將阿寶實勇傑厄爾得尼招輯之靡有孑  
白此邊烽息許之通貢易

祖

宗示遺緒待我

皇繼述

皇帝不敢忘所省機在括惟十有八年敏闕有台吉  
阿睦爾撒納繼之來躊躇僉曰我部亂自策凌遺孽  
喇嘛達爾札孽子而嫡奪達瓦齊竊之縱酒以自佚  
我四衛拉特日夜坐蹙額乞師  
大皇帝拯我天之玃

皇帝發天機

天授不可忽熱河召來者

清問得詳悉曰谷汝西人汝部苦佛鬱汝人導子師  
子其恭

天罰乃

命班第將西北兩師出晴陽照大纛阿爾泰率律爾  
軍會于此敷整靜坐埽譯者奉檄書所過悉宣讀諸  
部走聽之若起發攣瞎台吉從宰桑笑迂口不閉軍  
入于伊犁直搗其窟竄達瓦齊踰河牽頸費一索  
皇帝御午門俘來赦不殺王之以昭順欲使西人活

天地無偏私絕域撫近闕此部禍未已撤納更肆賄  
初覬覦四部久之望頗舐私印徵軍書怏怏意甚貶  
皇帝灼其奸

詔誅之未發詭以入

覲詞中道走飄瞥煽其虵豕類牙舌恣吞齧阻兵斷  
臺路我將申大節或言賊猖狂鋒銳未可闕

皇帝曰無赦急討之勿失二十一年春師進撤納通  
明年兩軍出撫定諸部外賊自哈薩克潛來窺巢穴

遭我軍復遁壓境事問詰哈薩克長懼迫我語詰訓  
以擒賊自誓撒納計窮竭走死俄羅斯厥部獻其骨  
是時準噶爾四部旣平訖緯羅斯輝特和碩特皆滅  
惟杜爾伯特恭順保謁闕

威德之所及莫我敢違拂有回和卓木小大類蜚塵  
曰波羅尼都霍集占同窟初爲準噶爾囚之加縲繼  
王師入伊犁稽首欲流血苟得歸所部感不啻口舌  
將軍生縱之爬掌躍跛鼉旣我使入盟反噬甚獍獠

盡我百人畔我出倉猝或曰是野心荒微不足據  
皇帝赫然怒怙亂在必遏

命圍其庫車計日攻可拔霍集占來援用力何搯搯  
冒死得入城如魚觸罟滅跳身復潛遁空城開呀豁  
皇帝審廟策易將誅失律

詔兆惠代之過師漠寥濶布魯古特部西與回部別  
遮道俟我軍以所部內屬富德亦將兵會擊勢超越  
哈薩克右部塔什罕相軋我師出其間兩陣鬪忽輟

諭以

皇帝意人人聽聲折曰聞我左部被

恩良渥洽自効願倍之遣使我

上達諸部爭輸誠賊羽翼盡鍛烏什于此畧和闐收  
且畢雖擁大城四其二我已掇抵葉爾奇木排戶直  
入室時二十三年方冬凜蕭瑟

皇帝念軍士先期在六月

命所在選士壯馬驅萬匹兵利火器良朱焰白鉛漂

旌旗翻長空萬里風送疾計程及歲暮以代久戰卒  
會我軍渡河黑水波濤瀉擊賊于水上相持數十日  
我士四百餘賊衆千徂狹攘攘幾十重環我不敢撓  
我軍一鼓勇辟易逃呵叱堅壁守重圍士卒苦飢渴  
穴米發茨梁沙泉湧渾沸賊銃中林木鉛丸入槎枿  
取之得數萬擊賊立僵蹶軍輒獲神應我勇益仡仡  
圍久陣雲深中外尚懸絕消息衆頗疑

皇帝曰必克



皇天尚啟予予既有施設諸軍適大集天上落恍惚  
富德遂將之一日萬馳突夜半薄賊營驚起大恐喝  
倉皇一迎敵我士怒正勃戰酣呼動天壁壘忽搪捩  
將軍軍聞之遠望火光徹競奪東北圍氣猛狀碣磔  
中與外夾擊賊賊迷陣八四顧盡我軍怪不可方物  
天明賊大奔我軍合爲一賊乃分城守我亦稍憩歇  
其夏

詔將軍分道進擊撥一喀什噶爾一葉爾奇木勿合

賊相救兩取勿一脫賊聞之先遁二城獻肩鎬霍斯  
庫魯克賊走喘且噎進阿爾楚爾再擊再排授賊勢  
乃大蹙伊西洱是稅其地左巨浸水源或通汭右上  
爲層山鳥道險曲峴賊乃負其嶠盡力思一決我軍  
自遠瞭盤磴窮細髮令士皆仰面飛礮舉如櫛環鎗  
轟震霆直上光烈烈天風助火勢山石鍛欲裂賊衆  
暫下瞰肝腦碎怛歛衆潰不可支盡降其部率賊僅  
將妻子別部命是乞拔達克山長得之計艱脆拘于

柴札木以待

天討至我師檄問之傳首卽送

闕安集延和罕大小悉臣妾西陲旣耆定天下方隆

郵告成于

天

祖百神祀咸秩冊勲賚有功

恩澤四洋溢

詔頒及中外在崙罔不悅

皇帝紀武功穹碑三劄刻銘大荒外五雲抱

御筆下書致乾乾功成益戰栗上書承

先志闢地非所垸中言

皇天佑蒼蒼有默契大哉我

皇德此功莫與絜惟

皇帝廣運勝算在密勿諸將萬里外左提而右挈師之所出入動靜得曲折方其初出師或疑未可必屢成勢屢變衆論愈淆湣惟

皇斷乃成操刀在必割用集

祖

考勲以克此三蘖

天所有全付豈獨海外截

臣

職隸史官作詩記本末

書

皇帝功德永與日月揭

平定回部詩

謝 墉

皇帝廿四載孟冬庚子日西師奏捷音露布馳重駟

兇渠伏

天誅函首獻

北闕羣回悉底平屬國咸震慄伏惟吾

皇聖宏畧運密勿

覆燾八紘均

謨烈兩朝述

奇勲開鴻濛

至德盛洋溢窺測旣無從名言亦難畢用敢獻謳歌

敬以紀顛末準夷昔未賓

前聖勤撻伐

上帝曷

皇衷鴻猷開九闔旣以款呼韓因之滅突厥賴惟興  
師初獨斷由

濬哲決勝操

神機發謀破凡說其時甫底定叛賊思草竊渠魁乍  
鳴張宵小便蠶軼羣疑滋萌生艱鉅非易掇誰知

聖謨恢整旅靖狂獮欽鵠遂殲除貳負盡桔桎

雨露覃流沙風雲銷餘孽納貢來享王大宛偕勃律  
懷

德効前驅服

教佐式遏蠢爾兩回首殘生繫縲紲

王師入伊犁出之於沉屈復其故土疆綏之新爵秩  
野心昧

湛恩飽颺逞狡譎助逆同窮奇殘善若饕餮煽彼纏



頭人濟惡走蛩蜚

雷霆震赫斯執言致

天罰愚者仗狐疑智者生鵲突

國威旣遠被荒陬並歸壹小醜等么膺不足膏

天鉞衆議方危湑

皇帝曰吁咈奸回稽邦刑曷以綏遠裔叶神符啟

昊蒼祚我販章濶六師之所加四方以無拂仰流獻

賁琛聞風會裘鞞黃羊馬捫酒簞壺走相率火山灑

時雨玉河澄皓月揚旗烏秣城競渡黑水筏勇哉三  
千人萬衆遮之密以少禦彼衆高壘莫敢抗

天寶佑義兵祥應師中吉搜粟幽窟堆刺泉胥井汨  
煌煌

睿算神先幾籌調發千里驟明馳五花馳叱撥鐵驪  
閉維騏乘黃盛有駮赴赴干城徒桓桓虎貔卒驅馬  
北塞來騰驤雄健倂守者志方堅行者氣正勃中宵  
薄其營趙幟忽盡奪神鎗飛萬丸强弩破七札腹背

潰交攻首尾窘顛蹶狂奔自蹂躪十已二三歿解圍  
既如神會師復克詰足兵洞

前知因糧運奇術取彼粟千鍾償以布萬匹我士旣  
夙飽彼衆亦傾悅橫掃枯朽摧長驅電虹掣先聲  
殘軍狡謀離舊穴前茅早躡之一戰已創竭再戰遂  
瓦解三戰僅免脫兎徒殲蟲沙逆黨殄斧鑕獲其馬  
牛羊輜重載軍實列城豎降旛羅拜行以膝自言生  
幽遐未覩

天宇豁頻年困二酋肆虐恣剝割幸逢

大皇帝朽骼乃再活來蘇有同心言訖涕鳴咽

誕告予維新

至誠動惻怛計戶撫凋殘宥眚示勤恤九府更泉刀  
三壤定總錙仍其舊衣冠感戴徧窮髮歌舞三日夜  
吹螺擊鼓鉞自今隸職方萬載荷寧謐林猿思棲身  
金魚冀濡沫走捷飛廉僵奔窮夸父渴詭欲拜西天  
敗將馳北轍羽檄早飛文牙璋已持節

德意宣海隅

威命周月窟  
嚮化會驅馳  
率屬屬翦滅  
駝馬千里飛  
龍象萬群出  
鎧甲繡文章  
鋼刀淬寶鐵  
置孕絡麕麋  
湯沐弔蟣蝨  
鋒摧邳支頭  
車轢防風骨  
飛書達

巖廊稱臣附  
章帙謹稽西  
北陲唐時盛  
回鶻漫衍諸  
國中部落繁  
不一其先固  
高車在漢稱  
韋紇境將月  
支并地共康  
居別山連狼  
居胥水遶摩  
訶刺龜茲與  
焉耆帆延及  
謝颺天方傳  
被教禮拜勤  
事佛其俗入

中土流傳自隋室厥土旣遼曠厥產亦瑰絕名馬號  
龍駒神獸稱桃拔葡萄垂鎖鎖珠璣間瑟瑟香薰揭  
布羅花爛優曇鉢

天恩大并包豈其貴遠物過矣拔達山人跡所不達  
名王遠魯檀舊域波斯匿都護曾莫通王會亦未列  
服屬願賓門奉表切面內叶伏惟吾

皇聖元化相運幹地拓萬井疆時僅五裘葛但聞于  
羽綏詎見斧斯缺當其未臻成衆議維輒跪井蛙聲

洪濤夏蟬昧飛雪  
陋等測海蠡固同  
膠柱瑟及乎  
省定豁然啟銅室

懋典慶承

歡

禋祀虔對越馨香格

天

祖

恩施沛綸綽讓善凜

淵衷

開或揆鴻筆謙謙

念持盈諄諄

訓無逸獻馘告

廟庭

郊勞動

鑾蹕四塞朝

明堂九姓習表絕章亥步廣輪義和測圭臬山經補



靈奇禹蹟宏軋泐域中大無外海外歸有載

聖治眷

天心萬年揚

盛烈

平定回部詩

蔣士銓

至誠建皇極育物對時茂萬邦爲協和四裔入載履  
時雍

文德盛肅烈

武功懋

垂衣開明堂琛賁梯航輳蒐田順時令重典在冬狩  
農隙簡車徒表貉每及候除器戒不虞夏官掌由舊  
廿年一再舉用以習馳驟青雲竭干呂白雉數來雊  
威靈暢遐荒陳師示疏附叶六軍整以暇一戰孰敢  
鬪居以揚天聲出以利禦寇西戎處絕域坐井苦區  
轡思其卽敘前異此來賓後種類別馴擾部落雜薰  
猶維準噶爾酋腐骨尚遺臭伐罪

兩朝威罷征

一人宥封狼生驅罷厥性本昏瞽遂令廚幕中噬齧  
互凌蹂三策楞來歸撒納亦奔告時乞師討亂國  
天鉞乃重授賁育搏衆雛如以杵投臼桓桓

聖人師破竹決奔溜五月飛捷書並未刃戈鏃方歆  
集頴詩忽逸舞庭獸翩翩逞牙爪格磔弄觜咮跳梁  
導畫鼉升木教狙狖搗穴徙穴三入坎出坎復呢嗎  
錫拉徒因以亂潛搆其時四衛中效尤各紕繆我師

南北入後勁合膚腠左哈薩克衆貢馬寶

天廡誓願禽脫兔臣服語無謬賊遂奔羅又旋殄滅  
于痘彼國守盟言冥誅爲送首敬以長狄骨傳獻歷  
邊堠伊犁駟蛋輩待斃等颺颺

帝顧四衛拉昂吉輪世胄孰知苞三葉次第卽芟耨  
惟杜爾伯特庇根稱獨秀厄魯特旣平回鶻具簞豆  
壺漿迎

王師泣訴苦魚肉釋之閔不辜扶危免其仆乃小和

卓木狴狴肆反噬以茲梟獍凶敢復倖

天佑鋒斧及螳蜋終見絕頰脰爾雖逃庫車盍鑒撒  
納走况失阿克蘇左臂已割衷伯克鍛羽翼一逐比  
雛鷇三城岌岌殆雉堞若薄鱗繁葉爾奇木匪固曷  
敢負遐哉布魯特望風效奔奏唐書志勃律天日未  
嘗覲地分鄂托克部以東西聚叶款塞揚旆旌繼二  
降旗后布祜圖昂阿地靈喜三逅

賜名伊綿谷京觀底須築

叶

別有塔什罕以爲回中

副與右哈薩克蠻觸方兩讐

叶

我師遇犄角遣使解

其詬聞言各投戈內屬式相好

叶

而右哈薩克降表

益順揉備陳自效心願倍左部又聆其誠樸詞愈合

叛賊羞

叶

帝澤海洋洋百川自來赴

叶

六合孩養之善人于是

富布露詣熱河

雲日慶瞻就宴之萬樹園鍾峯月如晝維時秋獮畢  
鑾輅駐盤岫羌渾魚貫來蒲伏覲

晃甞山莊飲醍醐竊喜列圭綬置身春臺中如傍佛  
靈鷲禮臣請來田諏吉日維戊森嚴出七校

南苑預屯集

叶

翠華田盤來諸夷仰

靈囿先期陳羽獵勁勇各効具

叶

釋網不盡物飛走

同養畜充庖啟賓筵酒醴笙簧侑燭龍銜萬炬海色  
奪寒綳星橋虹蜿蜒火樹花叢菽地湧不夜城赤標  
隱機殼霞彩罨山林珠燄發薪樵沼渚騰魚龍岡

藏豫猶變幻出神奇燦爛啟矇瞶都盧舞初罷小海  
唱方族

聖製張燈詞輝煌縣列宿上元循故事良霄爲宿留  
賜宴羅遠夷法酒泛醇酎共呼

天可汗腴拜稱

萬壽爰閭雜萬幕質明聽玉漏

龍燾縣高臺圓幄冠崇阜

至尊按轡來帳殿擐甲冑朝光一閃耀寶色相欽鏤



弓衣龍鳳繞劒佩雲霞繡拜瞻

天人褻真氣彌宇宙據鞍閱隊伍壁壘如卦繇三十

有四營旗鼓肅廣袤須臾海螺吹集響撼坤軸叶精

銳鞭雷霆歛歛合煙霧叶聲揚海波沸勢挾山容瘦

千三百丈內八陣互旋抽叶如發機轉圓九變疊離

邁開如鵬翼張動如巨靈吼來如焱輪馳住如夕潮

收雄材羽衛積猛氣烈烽透鞘鈴本

廟畧當者詎能救蕃客立和門震聳爲帖伏底用一

九泥萬里塞關竇龍媒來大宛毳服傍

旂旒

叶

異域慕懷柔恭順則汝祐扶珪綴組間有譽

更無咎

帝命振旅還武事弗可究乃令羆虎姿歡隨鷁鷺  
禮戒六師喜犒出萬夫受八旗擁千官拜舞首重叩  
五服仰

天威雨露同潤漑

小臣

職賡颺掌故可繹綢訓練

陽避雅頌元和陋珥筆紀

聲靈敷言慚飭餽圉詮

王會圖竊敢效史籀